





本紀卷第三十八

宋史三十八

開府儀同三司柱國錄軍國軍事尚書右丞相監修國史領筵事都總裁昃等奉

勅修

寧宗二

嘉泰元年春正月戊午申嚴福建科鹽之禁壬戌謝  
深甫等薦士三十有五人詔籍名中書以待選擇丁  
卯命路鈐按閱諸州兵士毋受饋遺及擅招軍違者  
寘諸法庚午以葛邲配饗光宗廟庭丙子金遣完顏  
充來弔祭二月戊子詔求明曆之士壬辰開資善堂  
遣俞烈使金報謝癸巳監察御史施康年劾少傅觀



三百八十一  
文殿大學士致仕周必大首倡偽學私植黨與詔降  
為少保修光宗實錄乙未續修吏部七司法己亥初  
置教官試于四川辛丑雨土三月丙寅雨雹戊辰復  
雨雹頒慶元寬恤詔令後法撮要己巳雨雹戊寅臨  
安大火四日乃滅夏四月辛巳詔有司振恤被災居  
民死者給錢瘞之壬午下詔自責詔樞密院覈禁衛  
班直及諸軍營柵焚燬之數癸未避正殿減膳甲申  
命臨安府察姦民縱火者治以軍法丙降錢十六萬  
緡米六萬五千餘石振被災死亡之家辛卯龍州蕃  
部寇邊遣官軍討之詔以風俗侈靡災後官軍營造

務遵法制內出銷金鋪翠焚之通衢禁民無或服用  
丁酉御正殿復膳戊戌以潛邸為開元宮丙午詔文  
武臣無寓居州任釐務官著為令五月戊午以旱禱  
于天地宗廟社稷詔大理三衙臨安府兩浙州縣決  
繫囚癸亥釋諸路杖以下囚除茶鹽賞錢丁卯命有  
司舉行寬恤之政十有六條乙亥監太平惠民局夏  
允中請用文彥博故事以韓侂胄平章軍國重事韓  
侂胄上疏請致仕不許免允中官丙子雨丁丑雨雹  
六月辛巳遣陳宗召賀金主生辰丙午太白經天秋  
七月乙卯何澹罷丁巳以旱復禱于天地宗廟社稷



壬戌釋大理三衙臨安府及諸路闕雨州縣杖以下  
囚癸亥雨雹甲子以陳自強參知政事兼同知樞密  
院事張釜簽書樞密院事丁卯復振被火貧民己巳  
以吳曦為興州都統制兼知興州八月己卯減奏薦  
恩甲申張釜罷以陳自強兼知樞密院事給事中張  
巖參知政事右諫議大夫程松同知樞密院事丙戌  
復詔侍從臺諫兩省集議沿江八州行鐵錢利害九  
月辛亥遣朝臣二人決浙西園田己未雨土辛未遣  
李景和使金賀正旦甲戌令禮官纂集孝宗一朝典  
禮冬十月甲申詔免瑞慶節諸道入貢丙戌起居郎

王容請以韓侂胄定策事迹付史館從之甲午金遣  
徒單懷忠來賀瑞慶節甲辰編光宗御集十一月庚  
申蠲潭州民舊輸黃河鐵纜錢丙寅太白晝見十二  
月己卯太白經天庚寅復免臨安府民身丁錢三年  
辛丑雨土癸卯金遣統石烈真來賀明年正旦是歲  
浙西江東兩淮利州路旱振之仍蠲其賦真里富國  
獻馴象二

二年春正月癸亥以知閣門事蘇師旦兼樞密都承  
旨丁卯陳自強等上高宗實錄二月甲申追復趙汝  
愚資政殿學士丁亥修高宗正史實訓戊子頒洛縣



十二事以風厲縣令癸巳禁行私史三月辛亥詔宰  
 執各舉可守邊郡者二三人己未初命諸路提刑以  
 五月按部理囚己巳詔諸路帥臣總領監司舉任將  
 帥者與本軍主帥列上之夏四月庚寅雨雹五月甲  
 辰朔日有食之己巳賜禮部進士傳行簡以下四百  
 九十有七人及第出身六月丙子遣趙不叟賀金主  
 生辰己卯臨安火壬午濬浙西運河辛卯禁都民以  
 火說相驚者庚子大雨雹秋七月辛亥封子觀為安  
 定郡王癸亥以旱釋諸路杖以下囚己巳命有司舉  
 行寬恤之政七條庚午禱于天地宗廟社稷復行寬

恤四事八月丙子以吏部尚書袁詒友同知樞密院  
 事癸未建寶謨閣以藏先宗御集己丑詔作壽慈宮  
 請太皇太后還內甲午謝深甫等上慶元條法事類  
 九月己酉朝壽慈宮甲寅修皇帝會要壬戌奉安光  
 宗皇帝慈懿皇后神御于景靈宮萬壽觀丙寅嗣秀  
 王伯圭薨追封崇王謚曰憲靖庚午臨安府野蚕成  
 繭冬十月乙亥上壽成惠慈太皇太后尊號曰壽成  
 惠聖慈祐太皇太后戊子金遣完顏瑋來賀瑞慶節  
 乙未遣魯頤使金賀正旦是月追復朱熹煥章閣待  
 制致仕十一月甲辰始御正殿乙巳重修吏部七司



法庚戌以陳自強知樞密院事前同知樞密院事許  
及之參知政事丁巳右文殿楹生芝十二月甲戌日  
中有黑子率群臣奉上壽成惠聖慈祐太皇太后冊  
寶于壽慈宮甲申立貴妃楊氏為皇后加韓侂胄太  
師庚寅大閱閏月丁未詔講官有當開釋者隨事開  
陳乙卯以福州觀察使曠為威武軍節度使封衛國  
公丁卯金遣使單公弼來賀明年正旦是月復周必  
大少傅觀文殿大學士是冬子垌生未踰月薨追封  
華王謚冲穆是歲建寧府福汀南劍瀘四州水鄧州  
旱振之

三年春正月庚辰謝深用罷壬午置湖南谿洞總首  
戊子龍州蕃部復寇邊遣官軍討之甲午張巖罷丙  
申以陳自強兼參知政事戊戌幸大學謁大成殿御  
化原堂命國子祭酒李寅仲講尚書周官篇遂幸武  
學謁武成殿監學官進秩一級諸生推恩賜帛有差  
以袁說友參知政事權翰林學士知制誥傅伯壽兼  
書樞密院事伯壽辭不拜二月乙巳御文德殿冊皇  
后以吏部尚書費士寅簽書樞密院事三月丁丑以  
久雨詔大理三衙臨安府決繫囚乙酉幸聚景園夏  
四月己亥朔日有食之壬寅福州瑞麥生丙午出封



四百七十一  
椿庫兩淮交子一百萬命轉運司收民間鐵錢乙卯  
陳自強等上徽宗玉牒孝宗光宗實錄辛酉詔宰執  
臺諫子孫毋就試五月戊寅以陳自強為右丞相許  
及之知樞密院事仍兼參知政事庚辰以旱詔大理  
三衙臨安府釋杖以下囚癸未命有司搜訪舊聞修  
三朝正史以書來上者賞之是月以蘇師旦為定江  
軍承宣使六月壬寅遣劉甲賀金主生辰己酉減大  
理三衙臨安府囚罪一等釋杖以下癸亥太白經天  
秋七月辛未領慶元條法事類命殿前司造戰艦十  
午權罷同安漢陽蘄春三監鑄錢白虹貫日癸未禁

江浙州縣抑納逃賦乙未加光宗皇帝謚曰循道憲  
仁明功茂德溫文順武聖哲慈孝皇帝八月壬寅增  
置襄陽騎軍戊申置四川提舉茶馬二員分治茶馬  
事丙辰陳自強等上皇帝會要甲子詔刑部歲終比  
較諸路瘦死之數以為殿最九月庚午袁詵友罷壬  
申以宗子希璿為莊文太子嗣更名摺授右千牛衛  
將軍癸酉命院冶鉄冶司毀私錢改鑄己丑詔南郊  
加祀感生帝太子庶子星宋星遣張孝曾使金賀正  
旦冬十月庚子詔宥呂祖泰癸卯以費士寅參知政  
事華文閣學士知鎮江府張孝伯同知樞密院事丙



三百九十七  
午命兩淮諸州以仲冬教閱民兵萬弩手丁未大風  
戊申龍州蕃部出降壬子金遣完顏奕來賀瑞慶節  
十一月壬申上光宗用寶于太廟癸酉朝獻于景靈  
宮甲戌朝饗于太廟乙亥祀天地于園丘大赦癸未  
大風己丑安定郡王子觀堯更定選人薦舉改官法  
庚寅復置福田居養院命諸路提舉常平司主之十  
二月丙辰命四川提舉茶馬通洽茶馬事辛酉下詔  
戒敕將帥培克金遣獨吉思忠來賀明年正旦是冬  
金國多難懼朝廷乘其陷沿邊聚糧增戍且禁襄陽  
權場邊關之開蓋自此始

四年春正月乙亥大風濬天長縣濬癸未日中有黑  
子壬辰雨雹瓊州西溪洞逃軍作亂寇掠文昌縣遣  
兵討平之二月丁酉置莊文太子府小學教授辛亥  
命內外諸軍射鉄帖轉資壬子蠲臨安府逋負酒稅  
己未立試刑法避親格庚申夜有赤氣亘天三月丁  
卯臨安大火迫太廟權奉神主于景靈宮己巳避正  
殿庚午命臨安府振焚室辛未詔修太廟甲戌下詔  
罪已乙亥詔百官疏陳時政闕失庚寅復御正殿夏  
四月甲午朔立韓世忠廟于鎮江府命內外諸軍詳  
度純隊法甲辰許及之罷振恤江西水旱州縣乙巳

宋史三十一  
周賁寫



字四百八十八  
以費士寅兼知樞密院事張孝伯參知政事吏部尚  
書錢象祖賜出身同知樞密院事丙辰詔革選舉之  
弊五月乙亥詔諸軍主帥各舉部內將材三人不如  
所舉者坐之癸未追封岳飛為鄂王六月癸巳遣張  
嗣古賀金主生辰丙申置諸軍帳前雄効以軍官子  
孫補之士寅詔侍從臺諫兩省集議裁抑濫賞士子  
詔諸路監司覈實諸州椿積錢米沿江四川軍帥簡  
練軍實丁巳增廬州強勇軍為千人秋七月甲子以  
早詔大理三衙臨安兩浙及諸路決繫囚戊辰禱  
于天地宗廟社稷己巳命諸路提刑後宜斷疑獄蠲

內外諸軍運貨管運自錢辛未蠲兩浙闕雨州縣逋  
租戊子命諸路提刑舉司措置保伍法八月己亥  
陳自強等上皇帝玉册癸丑詔自今以恩賞進秩歲  
毋過二官編紹興府墳宮所在民身丁錢絹綿鹽丙  
辰除靜江府昭州折布錢戊午張孝伯罷九月乙丑  
得四圭有邸玉一詔藏于太常壬午遣鄧友龍使金  
賀正旦丙戌戒飭兩淮州縣遵守寬恤舊法冬十月  
庚子以資政殿大學士淮東安撫使張巖參知政事  
壬寅金遣完顏昌來賀瑞慶節十一月己未朔詔兩  
淮荆襄諸州值荒歉奏請不及者聽先發廩以聞庚



午封伯栢為安定郡王壬申白氣亘天庚辰修六合  
縣城十二月癸巳詔總覈內外財賦以陳自強兼國  
用使費士寅張巖同知國用事己亥詔改明年為開  
禧元年壬寅禁州縣挾私籍沒民產甲辰再蠲臨安  
府民身丁錢三年乙卯金遣烏林答毅來賀明年正  
旦

開禧元年春正月癸酉初置澈浦水軍壬午兩糴二  
月癸巳奪徐安國三官癸卯詔國用司立考覈財賦  
之法丙午蠲臨安府酒稅三月庚申太白晝見  
辛未申嚴民間生子棄殺之禁仍令有司月給錢米

收養辛巳以淮西安撫司所招軍為強勇軍癸未費  
士寅罷夏四月戊子知以錢象祖參知政事兼同知  
樞密院事吏部尚書劉德秀簽書樞密院事辛卯以  
江陵副都統李奕為鎮江都統皇甫斌為江陵副都  
統兼知襄陽府戊戌修憲聖慈烈皇后聖德事迹辛  
丑日中有黑子甲寅武學生華岳上書諫朝廷不宜  
用兵恐啓邊釁以忤韓侂胄送建寧府編管乙卯大  
風五月己巳賜禮部進士毛自知以下四百三十有  
三人及第出身復淳熙薦舉改官法乙亥詔以衛國  
公曦為皇子進封榮王甲申鎮江都統戚拱遣忠義



人朱裕結弓手李全焚漣水縣是月金國以邊民侵掠及增邊戍來責渝盟六月戊子罷廣東統場八十壩辛卯詔內外諸軍密為行軍之計戊戌命諸路安撫司教閱禁軍己亥遣李壁賀金主生辰庚子進程松資政殿大學士為四川制置使辛丑淮東安撫鄭挺坐擅納北人牛真及劫漣水軍事敗奪二官罷壬寅天鳴有聲復同安漢陽蕪春三監己巳熒惑犯太微右執法陳自強等上新修淳熙以後吏部七司法壬子陳自強及侍御知父鄧友龍等請用本朝故事以韓侂胄平童軍國事減大理三衙臨安府囚罪一

等釋杖以下秋七月庚申詔韓侂胄平章軍國事立班丞相上三日一朝赴都堂治事命興元都統司增招戰兵丙寅以蘇師旦為安遠軍節度使領閣門事丁卯詔侍從兩省臺諫在外待制學士己上及內外文武官各舉將帥邊守一二人戊辰贈趙汝愚少保己卯韓侂胄等上高宗御集壬午詔諸路提刑提舉司措置保甲癸未以韓侂胄兼國用使以旱詔大理三衙臨安府兩浙州縣及諸路決繫囚八月丙戌朔蜀兩浙闕兩州縣贓賞錢丁亥命湖北安撫司增招神勁軍癸巳雨乙巳以殿前副都指揮使郭倪為鎮



江都統兼知揚州是月贈宇文虛中少保追封劉光世為鄜王閏月戊寅韓侂胄等上欽宗玉牒憲聖慈烈皇后聖德事迹九月丁亥劉德秀罷庚子詔官吏犯贓追還所受如舊法丁未遣陳景俊使金賀正旦庚戌大風冬十月甲子江州守臣陳鑄以歲旱圖獻瑞未詔奪一官丙寅升嘉定府為嘉慶軍庚午金遣紇石烈子仁來賀瑞慶節復置和州馬監十一月乙酉置殿前司神武軍五千人屯揚州乙未申嚴告訐之禁十二月癸丑朔脩宗光宗御集庚午詔兩淮京西監司帥守講行宣恤之政增刺馬軍司弩手癸

酉詔永除兩浙身丁錢編戊寅金遣趙之傑來賀明年正旦入見禮甚倍語侂胄請帝還內詔使人更以正旦朝見著作郎朱質上書請斬金使不報是歲真里富國獻瑞象江浙福建二廣諸州旱兩淮京西湖北諸州水振之

二年春正月癸未朔蠲兩浙身丁錢綿癸巳再給軍士雪寒錢發米振給貧民以金使悖慢館伴使副以下奪官有差乙未增太學內舍生為百二十人辛丑更名國用司曰國用參計所己酉雷雨雹辛亥詔坑戶毀錢為銅者不赦仍籍其家著為令是月雅州



蠻高吟師寇邊遣官軍討之二月癸丑壽慈宮火甲寅太皇太后移居大內車駕月四朝乙卯以火災避正殿徹樂丁巳以久雨詔大理三衙臨安府及諸路決繫囚已卯復御正殿三月癸巳以程松為四川宣撫使吳曦為宣撫副使甲午頒開禧重脩七司法丁酉詔諸路監司歲十一月按部理囚如五月之制己亥從太皇太后幸聚景園乙巳錢象祖罷以張巖兼知樞密院事丙午以錢象祖懷姙避事奪二官信州居住己酉知處州徐邦心入見請立太子因以肆赦弭兵侍御史徐柟劾罷之夏四月己未雅州蠻作亂

焚礪門砦官軍失利庚申四川宣撫司復調御前大軍往討之甲子以薛勗為兵部尚書湖北京西宣撫使鄧文龍為御史中丞兩淮宣撫使下納粟補官之令戊辰以吳曦兼陝西河東路招撫使己巳調三衙兵增戍淮東庚午追奪秦檜王爵命禮官改謚乙亥以郭倪兼山東京東路招撫使鄂州都統趙淳兼京西北路招撫使皇甫斌兼京西北路招撫副使丁丑吳曦遣其客姚淮源獻關外四州于金求封蜀王鎮江都統制陳孝慶復泗州江州統制許進復新息縣戊寅光州忠義人孫成復張信縣五月辛巳朔陳



孝慶復虹縣吳興郡王柄薨追封沂王謚曰靖惠癸未禁邊郡官吏擅離職守丙戌江州都統王大節引兵攻蔡州不克軍大潰丁亥下詔伐金癸巳以伐金告于天地宗廟社稷皇甫斌引兵攻唐州敗績興元都統秦世輔出師至城固縣軍大亂甲午賜宗室希瞿子名均命為沂王柄後補千牛衛將軍以池州副都統郭倬主管馬軍行司公事李汝翼會兵攻宿州敗績壬寅太白晝見簡荆襄兩淮田卒以備戰兵癸卯郭倬等還云王斬縣令 追而圍之倬執馬軍司統制田俊邁以與金人乃得免六月壬子王大節除之

袁州安置尋徙封州癸丑建康都統李爽攻壽州敗績甲寅鄧友龍罷以江 東略安撫使立宗為刑部尚書兩淮宣撫使乙卯雅州蠻高吟師出降官軍殺之丁巳滅大理三衙臨安府囚罪一等釋杖以下奪郭倬李汝翼二官辛酉奪皇甫斌三官甲子李爽罷丁卯曲赦泗州減雜犯死罪囚餘皆除之蠲其租稅三年建康副都統田琳復壽春府戊辰雅州蠻復寇邊甲戌奪李爽三官汀州居住再奪皇甫斌五官南安軍安置丙子奪鄧友龍三官興化軍居住戊寅蘇師旦罷是月命立宗至揚州部署諸將悉三衙江上

宋史三十一 宋史紀事本末卷三十一 十一 梁 保 刊 月 實 寫



軍分守江淮要害金人封吳曦為蜀王秋七月辛巳復紹興邊郡賞奪蘇師旦三官衡州居住仍籍其家罷早傷州軍比較租賦一年詔侍從臺諫兩省卿監即官監司郡守前宰執侍從各舉人材三人壬午雅州蠻出降庚子蘇師旦除名韶州安置癸卯以張巖知樞密院事禮部尚書李壁參知政事乙巳置沂王府小學教授八月丙寅有司上開禧刑名斷例斬郭倬于鎮江戊辰昇奪李爽三官南雄州安置辛未詔諸州無證有佐之獄，奏裁士申以淮東安撫司所招軍為御前強勇軍九月壬午金人攻奪和尚原

已丑朝獻于景靈宮庚寅朝饗于太廟辛卯合祭天地于明堂大赦乙巳嘗祀泗州功冬十月戊申朔詔內外軍帥各舉智勇可將帥者二人辛酉以將士暴露罷瑞慶節宴丙子金人自清河口渡淮遂圍楚州十一月庚辰命主管殿前司公事郭杲領兵駐真州以援兩淮辛巳金人破棗陽軍甲申以立憲簽書樞密院事督視江淮軍馬金人犯神馬坡江陵副都統魏友諒突圍趨襄陽乙酉趙淳焚樊城戊子金人犯廬州田琳拒退之癸巳以金人犯淮告于天地宗廟社稷乙未避正殿減膳以湖廣總領陳謙為湖北京

宋史二百一十一 周 貴 寫



西宣撫副使丙申金人去廬州丁酉金人犯舊岷州  
守將王喜遁去戊戌金人圍和州守將周亮率之金  
人破信陽軍辛丑金人圍襄陽壬寅金人破隨州癸  
丑太皇太后賜錢一百萬緡犒賞軍士詔諸路招填  
禁軍以待調遣甲辰金人犯真州乙巳金人破西和  
州是月濠州安豐軍及邊屯皆為金人所破十二月  
戊午金人圍德安府守將李師尹拒之庚戌金人破  
成州守臣辛禎之遁去吳曦焚河池縣退屯青野原  
辛亥釋大二三衙臨安杖以下囚癸丑金人去和  
州甲寅金人攻六合縣郭倪遣前軍統制郭傑救之

遇于胥浦橋大敗倪棄揚州走了巳金人破大散關

戊午熒感守太微癸亥交諒軍潰于花泉走江陵

丁卯金人犯七方關興州中軍正將李好義拒卻之

戊辰吳曦遠興州金人自淮南返師留一軍據濠州

巳巳罷郭倪奪三官責授果州團練副使南康軍安

置庚午薛叔似陳謙罷以京湖北路安撫使吳玠為

湖北京西宣撫使復兩浙園田募兩淮流民耕種癸

酉吳曦始自稱蜀王甲戌以鎮江副都統畢再遇為

鎮江都統權山東京東路招撫司公事乙亥四川宣

撫使程松道



三年春正月丁丑朔立密罷己卯命知樞密院事張  
巖督視江淮軍馬庚辰以陳自強兼樞密使癸未金  
人破階州丁亥子圻生庚寅詔建康府給淮民裝錢  
遣歸業辛卯吳曦招通判興元府權大安軍事楊震  
仲震仲不屈死之癸巳命兩淮帥守監司招集流民  
甲午吳曦僭位于興州甲辰奪池州都統陳孝慶三  
官罷二月壬子以金師退御正殿復膳甲寅削奪福  
建路總管兼延祥水軍統制商榮官爵柳州安置已  
未罷程松四川宣撫使成都府昭安撫使楊輔為  
四川制置使沿江制置使葉適兼江淮制置使庚申

以早詔大理三衙臨安府決繫囚癸亥子圻薨追封  
順王謚冲懷甲子振給一傷州縣貧民命諸路提刑  
司從宜斷疑獄丁卯罷江浙荆湖福建招軍戊辰子  
撫生庚午金人去襄陽辛未以旱禱于天地宗廟社  
稷命有司舉行寬恤之政八條蠲兩淮被兵諸州今  
年租賦乙亥釋兩浙跪杖以下囚四川宣撫副使司  
隨軍轉運安丙及興州中軍正將李好義監四川總  
領所興州合江倉楊巨源等共誅吳曦傳首詣行在  
獻于廟社梟三日四川平併誅曦妻子家屬徙嶺南  
奪其父挺官遷吳璘子孫出蜀存其廟祀玠子孫免



連生三月丙子朔蠲兩淮被兵州郡役錢丁丑斬偽  
 四川都轉運使徐景望于利州壬辰興州將劉昌國  
 引兵至階州金人退去癸巳李好義復西和州丁酉  
 金人去成州庚子詔以楊輔為四川宣撫使安丙為  
 端明殿學士四川宣撫副使起居舍人許奕為四川  
 宣諭使落程松資政殿大學士奪六官筠州安置忠  
 義統領張翼復鳳州辛丑曲赦四川減雜犯死罪囚  
 釋杖以下壬寅責授程松順昌軍節度副使澧州安  
 置夏四月戊申以吳玠玠四川宣諭使子熈薨追封  
 申王謚冲懿癸丑赦兩淮湖北京西被兵諸州減刑

犯死罪囚釋流以下蠲湖北京西諸郡今年租賦四

川忠義人復大散關口奉使全國通謝國信所參

議官方信孺發行在庚申以兵部尚書宇文紹節知

江陵府權湖北京西宣撫使壬戌詔吳玠與宣撫司

議分興州都統司軍之半屯利州丁卯召楊輔詣行

在以吳玠為四川制置使戊辰以資政殿學士錢象

祖參知政事己巳改興州為沔州庚午贈楊震仲官

仍官其子一人癸酉金人復破大散關甲戌赦西和

階成鳳四州五月丁丑賞誅吳曦功戊寅用四川宣

撫司奏吳曦黨人張伸之等一十六人除名編配兩



廣及湖南諸州己丑以旱禱于天地宗廟社稷辛卯  
 以太皇太后謝氏有疾赦是日崩四川宣撫副使司  
 參贊軍事楊巨源與金人戰于長橋敗績戊戌詔四  
 川宣撫置制司分治兵民庚子復置沔州副都統制  
 以李好義為之辛丑李好義襲秦州敗還六月甲寅  
 賞守襄陽功己未李好義遇毒死癸亥以林拱辰為  
 金國通謝使遣富瑄使金告哀劉彌正賀金主辰癸  
 酉安丙殺其參議官楊巨源秋七月己卯命不儔為  
 嗣濮王乙酉以災傷下言罪己八月己巳上大行太  
 皇太后謚曰成肅皇后九月丁丑詔諸路帥臣申儆

邊備辛巳召張巖詣行在壬午方信孺以忤韓侂胄

坐用私覲物擅作大臣遣金將李三官臨江軍居

住甲申減極邊官吏舉主員乙酉權積成肅皇后于

阜陵丙戌命淮西轉運司措置雄淮軍辛卯以趙淳

為殿前副都指揮使兼江淮制置使乙未張巖罷辛

丑遣王相持書赴金國都副元帥府壬寅祔成肅皇

后神主于太廟冬十月乙巳減臨安紹興二府囚罪

一等蠲民緣積官役者賦丙午更殿前司統隊法乙

卯復珍州遵義軍丙辰詔以邊事諭軍民十一月甲

戌詔韓侂胄輕啓兵端罷平章軍國事陳自強阿附



充位罷右丞相乙亥禮部侍郎史彌遠等以密旨命  
 權主管殿前司公事夏震誅韓侂胄于玉津園以錢  
 象祖兼知樞密院事李壁兼同知樞密院事以誅韓  
 侂胄詔天下丁丑以夏震為福州觀察使主管殿前  
 司公事將士行賞有差奪陳日強三官永州居住戊  
 寅責授蘇師旦武恭軍節度使詔州安置己卯斬  
 之詔姦臣竄逃當首開言路忠謹中外臣僚各  
 具所見以聞辛己再奪鄧友龍五官南雄州安置尋  
 除名徙循州乙酉置化州忠銳軍丙戌以御史中丞  
 衛涇簽書樞密院事兼參知政事丁亥詔立皇太子

王曦為皇太子更名壽戊子郭倪除名梅州安置郭  
 俱除名連州安置仍錮家奪李壁二官撫州居住  
 癸巳奪張巖二官徽州居住己亥以立皇太子大赦  
 十二月癸卯以丘密為江淮制置大使罷山東京東  
 招撫司以許奕為金國通問使乙巳太白晝見丁未  
 罷京西北路招撫司己酉落葉適寶文閣待制蠲兩  
 淮州軍稅一年庚戌奪許及之二官泉州居住奪薛  
 叔似二官福州居住再奪皇甫斌五官英德府安置  
 癸丑金人復破隨州辛酉以錢象祖為右丞相兼樞  
 密使衛涇及給事中雷孝友並參知政事吏部尚書



字二百八十個  
林大中簽書樞密院事乙丑以禮部尚書史彌遠同  
知樞密院事丙寅贈呂祖儵朝奉郎直祕閣官其子  
一人丁卯詔改明年為嘉定元年是歲浙西旱蝗沿  
江諸州水

本紀卷第三十八

本紀卷第三十九

宋史三十九

開府儀同三司程國釐國事兼相監修國史領經筵事都總裁勝等奉  
勅修

寧宗三

嘉定元年春正月戊寅右諫議大夫葉時等請梟韓  
侂冑首于兩淮以謝天下不報辛巳下詔求言壬午  
王柎還自河南持金人牒求韓侂冑首丙戌葉時等  
復請梟侂冑首于兩淮戊子安定郡王伯栴薨壬辰  
以史彌遠知樞密院事以許奕為金國通謝使二月  
戊申追復趙汝愚觀文殿大學士謚忠定詔史官改



紹熙以來韓侂胄事迹壬子詔臨安府振給流民戊  
 午責授程松果州團練副使賓州安置是月郴州黑  
 風峒寇羅世傳作亂招降之三月癸酉以毛自知首  
 論用兵奪進士第一人恩例戊子下詔戒飭內外群  
 臣復秦檜王爵贈謚己丑王柝自軍前再還行在議  
 以韓侂胄首易淮陝侵地辛卯詔梟侂胄首于兩  
 淮是春子垺生夏四月丙辰詔後省科別群臣奏疏  
 可行者以聞贈彭龜年寶謨閣直學士落李沐寶文  
 閣學士戊午再責授陳自強復州團練副使雷州安  
 置仍籍其家閏月辛未置拘權安邊錢物所壬申

審癸未子垺薨追封肅王謚冲靖詔大理三衙臨安  
 府及諸路闕兩州縣決繫囚釋杖以下甲申詔自今  
 視事令皇太子侍立乙酉以錢象祖兼太子少傅衛  
 涇雷孝友林大中並兼太子賓客辛卯以旱禱于天  
 地宗廟社稷癸巳減常膳乙未蠲兩浙闕兩州縣貧  
 民逋賦命大理三衙臨安府兩浙州縣決繫囚丙申  
 幸太乙宮明慶寺禱雨丁酉以旱詔求言五月辛酉  
 賜禮部進士鄭自成以下四百二十有六人及第出  
 身甲子太白經天乙丑以飛蝗為災減常膳丁卯詔  
 侍從臺諫疏奏闕政監司守令條上民間利害六月



庚午金人歸大散關辛未金人歸濠州乙亥衛涇罷  
丙子遣鄒應龍賀金主生辰甲申林大中薨乙酉以  
蝗禱于天地社稷丙戌詔侍從兩省臺諫舉沿邊守  
臣辛卯以史彌遠兼參知政事秋七月辛丑詔呂祖  
泰特補上州文學癸丑以丘富同知樞密院事壬戌  
以飛蝗為災詔三省疏奏寬恤未盡之事八月戊辰  
朔發粟振貧民辛未丘富卒甲戌命侍從臺諫兩省  
詳議會子折閱利害辛巳以禮部尚書婁機同知樞  
密院事吏部尚書樓鑰簽書樞密院事丙戌詔禮部  
侍郎許奕起居舍人留後雜<sub>以</sub>改訂監司守令所陳民

間利害擇可行者以聞其未上者趣之甲午發粟二  
十萬振糶江淮流民九月辛丑金使完顏侃喬字入  
見士子出安邊所錢一百萬緡命江淮制置大使司  
糶粟接饑民己未詔以和議成諭天下甲子遣曾從  
龍使金賀正旦乙丑大風赦沿邊諸州冬十月丙子  
以錢象祖為左丞相史彌遠為右丞相雷孝友知樞  
密院事仍兼參知政事婁機參知政事樓鑰同知樞  
密院事己卯褒錄慶元上書揚宏中等六人庚辰封  
伯祝為安定郡王辛巳蔡璉除名配贛州牢城癸未  
金遣使來賀瑞慶節十一月丙辰金主璟殂戊午史



彌遠以母憂去位十二月戊辰錢象祖罷庚午四川  
初行當五大錢并嘉興府爲嘉興軍再奪李沐三官  
信州居住戊寅改命曾從龍使金帛祭已卯黎州蠻  
畜卜寇邊已丑遣宇文紹彭使金賀即位辛卯蜀兩  
淮州軍二稅一年是歲江淮制置司汰雄淮軍歸農  
淮東揀刺八千餘人以補鎮江大軍及武鋒軍之闕  
淮西揀刺二萬六千餘人以爲御前定武軍

二年春正月庚子詔内外有司疏陳節用之事辛丑  
金遣裴滿正來告哀丁巳以樓鑰參知政事御史中  
丞章良能同知樞密院事吏部尚書宇文紹節簽書

樞密院事庚申金遣潘察知劄來獻遺留物詔侍從

兩省其諫各舉監司郡守治行尤異者二三人二月

己巳金遣使來告即位庚午黎州蠻寇邊壬午以會

子折閱日甚詔侍從兩省以下各疏奏所見丁亥罷

法科試經義復六場舊法戊子大風三月丙申雨雹

己酉詔民以減會子之直籍沒家財者有司立還之

戊午禁兩淮官吏私買民田庚申命浙西及沿江諸

州給流民病者藥辛酉罷漳泉福三州興化軍賣廢

寺田壬戌出內庫錢十萬緡爲臨安貧民棺槨費夏

四月乙丑詔諸路監司督州縣捕蝗戊辰江淮制置



司言放廬濠二州忠義軍歸農甲申賜臨安諸軍死者棺錢戊子賜楊震仲謚曰節毅五月丙申史彌遠起復丁酉以早詔諸路監司決繫囚劾守令之貪殘者戊戌借補武訓郎羅日愿謀為變伏誅庚子詔侍從兩省臺諫各舉監司郡守有政績才望者二人以補郎官之闕辛丑申命州縣捕蝗癸卯詔兩淮荆襄守令以戶口多寡為殿最乙卯釋大理三衙臨安府兩浙州縣杖以下囚除茶鹽賞錢己未以早詔群臣上封事庚申禱于天地宗廟社稷六月癸亥朔命浙西諸州諭民種麻豆男督其租詔詳案省及諸路監司

速決滯獄戊辰奉安成肅皇后神御于景靈宮己巳遣俞應符賀金主生辰乙酉復禱雨于天地宗廟社稷己丑命江西福建二廣豐稔諸州糴運以給臨安仍償其費辛卯京湖制置司言放諸州新軍及忠義人歸農秋七月癸巳命有司舉行寬恤之政伍條乙未詔荒歉州縣七歲以下男女聽異姓收養著為令己亥蠲信陽荆門漢陽軍民賦壬寅命兩淮轉運司給諸州民麥種癸卯募民以振饑免役八月甲子聽兩淮諸州民行鐵錢于沿江八州乙丑以安丙為四川制置大使罷宣撫司甲戌冊皇太子丁丑皇太子



謁于太廟戊寅詔皇太子更名詢己卯黎州蠻復寇  
邊丙戌發米十萬石振兩淮饑民九月己亥朝獻于  
景靈宮庚子朝享于太廟辛丑合祭天地于明堂大  
赦丙午增太學內舍生十員癸丑命吏部郎官劉燭  
等審定中外所陳會子利害上于朝己未遣費培使  
金賀正旦冬十月丁卯命京湖制置司募逃卒及放  
散忠義以補相禁軍關丁丑金遣使來賀瑞慶節己  
丑命兩淮轉運司給諸路民稻種減公私房廊白地  
錢計之三十一日辛卯朔沔州統制張林等謀作亂  
事覺貸死除名廣田羈管甲午詔浙西監司募饑民

修水利乙未以歲饑罷雪宴是月郴州黑風峒寇李  
元礪作亂衆數萬連破吉郴諸縣詔遣荆鄂江池四  
州軍討之十二月甲子四川制置大使司調官軍討  
黎州蠻敗績己巳賜朱熹謚曰文乙亥詔諸州毋糶  
職田租丙戌金遣使來賀明年正旦是歲諸路旱蝗  
揚楚衡郴吉五州南安軍盜起

三年春正月甲辰下詔招諭群盜又詔戒飭監司郡  
守丙午兩土二月辛酉黎州蠻復寇邊庚午詔楚州  
武鋒軍歲給累重錢如大軍例壬午以工部侍郎王  
居安知隆興府督捕峒寇三月丁酉蠲都城及荒歉



諸州民間逋負已亥以湖南轉運判官曹彥約知潭  
州督捕峒寇庚子賜彭龜年謚曰忠肅甲寅誅楚州  
渠賊胡海丙辰以久雨釋兩浙州縣繫囚夏四月癸  
亥李元礪犯南雄州官軍大敗乙丑決臨安繫囚釋  
杖以下丙寅詔監司守臣安集泰吉二州民經賊蹂  
踐者戊辰出內庫錢二十三萬緡賜臨安軍民己巳  
詔臨安府給細民病死者棺槨五月乙未淮東賊悉  
平詔寬恤殘破州縣甲辰以去歲旱蝗百官應詔封  
事命兩省擇可行者以聞乙巳命沿海諸州督捕海  
寇戊申經理兩淮屯田庚戌以江陵忠勇軍為御前

忠勇軍癸丑以久雨發米振貧民六月丁巳朔日有  
食之壬戌命有司舉行寬恤之政十有九條癸亥遣  
黃中賀金主生辰己卯加楊次山少保封永陽郡王  
詔三衙江上四川諸軍主帥核實軍籍欺冒者以賊  
論是月池州副都統許俊江州副都統劉元鼎與李  
元礪戰于江西皆不利知潭州曹彥約又與賊戰亦  
為所敗賊勢愈熾秋七月辛卯申嚴圍田增廣之禁  
癸卯定南班為三十員八月乙亥大風拔木是月臨  
安府蝗九月丙戌朔詔三衙江上諸軍升差將校必  
以材藝年勞其徇私者臺諫及制置總領劾之癸丑



遣錢仲彪使金賀正旦冬十月壬申雷金遣使來賀  
 瑞慶節丁丑推南雄州戰歿將士恩十一月癸巳賞  
 楚州平賊功乙巳遣朝臣二人往兩浙路與提舉官  
 議收浮鹽是月李元礪迫贛州南安軍詔以重賞募  
 人討之十二月丙辰詔江淮諸司嚴飭守令安集流  
 民戊午婁機罷丙寅湖南賊羅世傳縛李元礪以降  
 峒寇悉平辛巳金遣使來賀明年正旦黎州蠻請降  
 是歲臨安紹興二府嚴備二州大水振之仍蠲其賦  
 四年春正月己丑叙州蠻攻嘉定府利店巽陷之甲  
 辰以四川鹽楮錢對減徵賞絹一年丙午詔湖南江

西諸州經賊蹂踐者監司守臣攷縣令毋集之實第  
 其能否以聞二月乙卯李元礪伏誅壬戌羅世傳補  
 官尋復叛辛巳罷廣西諸州牛稅閏月丁未大風旱  
 亥詔諸路帥臣監司守令格朝廷振恤之令及盜發  
 不即捕者重罪之三月己未臨安府振給病民死者  
 賜棺錢丙子馮州將劉世雄等謀據仙人原作亂伏  
 誅夏四月甲申禁兩浙福建州縣科折鹽酒己丑以  
 吳興沒官田租代輸關外四州旱傷秋稅丙午賜黑  
 風峒名曰效忠戊申出內庫錢瘞疫死者貧民是月  
 四川制置大使司置安邊司以經制蠻事命成都路



提刑李直漳川路安撫許奕共領之五月乙亥賜禮  
部進士趙建大以下四百六十有五人及第出身六  
月丁亥遣余燦賀金主生辰會金國有難不至而還  
減京畿囚罪一等釋杖以下辛丑更定四川諸軍軍  
額秋七月壬戌太白晝見丙寅詔四川官吏嘗受偽  
命者自今毋得叙用丁丑詔軍興以來爵賞冒濫者  
聽自陳除其罪九月辛酉叙州蠻寇邊乙亥羅世傳  
為其黨所殺丁丑遣程卓使金質正旦詔附會開邊  
得罪之人自今毋得叙用冬十月甲辰以金國有難  
命江淮京湖四川制置司謹密備十一月乙酉朔日

有食之癸丑賞平峒寇功甲戌由嚴諸軍升差之制  
十二月辛巳奉議郎張鑑坐扇搖國本除名象州羈  
管癸未以會子折閱不行遣官體訪江浙諸州乙巳  
金遣使來賀明年正旦是歲金國有難賀生辰使不  
至

五年春正月己巳詔諸路通行兩浙倍役法著為令  
壬申賜李好義謚曰忠壯二月壬午罷兩淮軍興以  
乘借補官三月庚戌四川制置司遣兵分道討叙州  
蠻其酋宋在請降戊辰以及久兩詔大理三衙臨安府  
兩浙州縣決繫囚甲戌以廣東湖南京西盜平監司



帥臣進職有差夏五月癸酉安南國王李龍翰卒以其子吳昂為安南國王詔州縣見役人毋納免役錢役滿復輸六月癸未遣傳誠賀金主生辰乙酉禁銅錢過江秋七月庚申賞降叙州蠻功戊辰以雷雨毀太廟屋避正殿減膳八月甲戌朔御後殿復膳九月丙午太白晝見己酉有司上續編中興禮書庚戌遵義砦夷楊煥來獻馬辛未罷沿海諸州海船錢遣應武使金賀正旦冬十月辛巳詔諸路總領官歲舉堪將帥者二三人安撫提刑舉可備將材者各二人戊子金遣使來賀瑞慶節戊戌以雷遣使弔祭安南十一月

月庚申朝獻于景靈宮辛酉朝享于太廟壬戌祀天地于園丘大赦十二月丁丑再蠲濠州租稅一年壬午詔蠲州縣橫增稅額己亥金遣使來賀明年正旦六年春正月庚申宇文紹節卒詔侍從臺諫兩省官帥守監司各舉實材二三人二月丁丑太白晝見丙戌有司上嘉定編修吏部條法總類乙未詔宗室毋與胥吏通姻著為令三月癸亥樓鑰罷夏四月丙子以章良能參知政事甲午復法科試經義法雜流進納人不預五月丁卯以旱命大理三衙臨安府決繫囚戊辰修慶元六年以來寬恤詔令六月乙亥詔刑



部歲終上諸州未決之獄于尚書省擇其最久者罪  
 之丁丑遣董居義賀金主生辰會金國亂不至而還  
 丁亥復監司臧否守令及監司郡守舉廉吏所知法  
 丙申詔三衙江上諸軍主帥各舉堪將帥者二三人  
 八月己巳朔詔諸路監司帥臣舉所部官吏之才行  
 卓絕績用章著者庚午知思州田宗範謀作亂夔州  
 路安撫司遣兵討平之是月金人弒其主允濟九月  
 甲辰蠲京湖諸州逋負二十八萬餘緡閏月戊辰朔  
 詔御史臺置考課監司簿丙戌以金主新立命四川  
 謹邊備己丑詔湖北監司守令振恤旱傷癸巳雷取

午史彌遠等上三祖下七世仙源類譜高宗寶訓皇  
 帝玉牒會要乙未大雷丙申以雷發非時下罪己詔  
 冬十月丁酉朔申嚴互送之禁戊申遣真德秀賀金  
 主即位會金國亂不至而還庚戌遣李真使金賀正  
 旦亦不至而還甲子金遣使來告即位十一月癸未  
 虛恨蠻寇嘉定府之中鎮砦十二月壬寅蠲瓊州丁  
 鹽錢癸亥金遣使來賀明年正旦是歲兩浙諸州大  
 水振之

七年春正月丁卯朔四川制置司遣提舉臯郊博馬  
 務何九齡率諸將及金人戰于秦州城下敗還丁丑



章良能薨壬午沔州都統王大才斬何九齡梟首境  
上以其事聞三月丁卯以安丙同知樞密院事成都  
府路安撫使董居誼為四川制置使庚辰金國來督  
二年歲幣戊子金人來止賀正日使夏四月癸卯蠲  
福建沿海諸州貧民納鹽五月丁丑太白經天乙酉  
賜禮部進士袁甫以下五百四人及第出身六月辛  
丑以旱命諸路州軍禱雨甲辰詔諸路監司守臣速  
決滯訟丙午蠲兩浙路諸州贓賞錢壬子釋大理三  
衙及兩浙路杖以下囚丁巳置嘉定府邊丁二千人  
以備蠻秋七月甲子朔以左諫議大夫鄭昭先發書

樞密院事兼權參知政事戊辰詔省吏毋授參議官  
乙亥金人來告遷于南京庚寅以起居舍人真德秀  
奏罷金國歲幣是月夏人以書來四川議夾攻金人  
不報八月癸巳朔罷關外四州所增方田稅乙未罷  
四川宣制司所補官癸卯復建宗學置博士諭各一  
人弟子員百人金國復來督歲幣乙巳太白經天禁  
州縣沮壞義役戊申詔以安丙為觀文殿學士知潭  
州九月壬戌朔日有食之太白書見乙丑史彌遠等  
上高宗中興經武要略戊寅調殿前司兵增戍天長  
縣丙戌以久雨釋大理三衙臨安府杖以下囚庚寅



釋兩浙路杖以下囚除茶鹽賞錢冬十月壬辰朔出  
內帑錢振臨安府貧民十一月辛丑朔遣聶子述使  
金賀正旦刑部侍郎劉鑰等及太學諸生上章言其  
不可不報丙戌命浙東監司發常平米振災傷州縣  
罷四川制置大使司所開鹽井十二月甲午復罷同  
安監鑄錢丁巳金遣使來賀明年正旦是歲黎州蠻  
畜卜始降

八年春正月辛未命師禹嗣秀王詔侍從兩省臺諫  
各舉將材三人己卯遣丁焞賀金主生辰戊子申嚴  
銷金鋪翠之禁二月丙午雷孝友罷壬子蠲平江等

五郡逋負免釋其繫囚己未雨土三月辛丑詔大郡

歲舉廉吏二人小郡一人乙亥以旱命諸路州縣禱

雨丙子蠲臨安府茶鹽賞錢釋兩浙諸州繫囚辛巳

應賢良方正能直言極諫科何致坐妄造事端營惑

衆聽配廣西牢城癸未安定郡王伯祝薨丙戌釋江

淮兩州縣杖以下囚夏四月乙未幸太一宮明慶

寺禱雨辛丑避正殿減膳壬寅禱雨于天地宗廟社

稷癸卯詔中外臣民直言時政得失乙巳減臨安及

諸路雜犯死罪以下囚釋杖以下五月辛未雨己卯

命利州路安撫司招刺忠義人辛巳御正殿復膳癸



未復命有司禱雨甲申詔賊吏毋得減年參選著為  
令乙酉發米振糶臨安府貧民六月丙辰詔兩浙江  
淮路諭民雜種粟麥麻豆有司毋收其賦田主毋責  
其租秋七月辛酉以鄭昭先參知政事禮部尚書曾  
從龍簽書樞密院事壬戌詔四川立楊巨源廟名曰  
褒忠戊辰蠲兩淮諸州今年秋稅併極邊五州明年  
夏稅癸酉蠲臨安紹興二府貧民夏稅丙子發米三  
十萬石振糶江東饑民庚辰詔第播更名思正姪均  
更名貴和甲申詔職田蠲放如民田違者坐之八  
已丑賜張式謚曰宣庚子申嚴宗子訓名法

罷旱傷州縣比較賞罰己酉禁州縣遏糶是月蘭州  
盜程彥暉求內附四川制置使董居誼却之九月己  
巳朝獻于景靈宮庚午朝饗于太廟辛未合祭天地  
于明堂大赦乙亥申嚴兩浙園田之禁甲申罷四川  
法科試冬十月乙未命六部各類赦書寬恤事下諸  
路監司推行壬寅金遣使來賀瑞慶節十一月丙辰  
朔封伯澤為安定郡王癸亥遣施累使金賀正旦十  
二月己丑詔楊巨源李好義子孫各進一官辛亥金  
遣使來賀明年正旦是歲兩浙江東西路旱蝗  
九年春正月乙丑賜呂祖謙謚曰成置馬軍司水軍



乙亥遣留筠賀金主生辰丙子命諸州招填軍籍辛巳罷諸路旱蝗州縣和糴及四川關外科糴二月甲申朔日有食之辛亥東西兩川地大震三月乙卯又震甲子又震馬湖夷界山崩八十里江水不通丁卯又震壬申又震丁丑詔侍從臺諫兩省舉堪監司者各二人夏四月戊戌秦州人唐進與其徒何進等引衆十萬來歸四川制置使董居誼拒却之五月癸酉太白晝見六月辛卯西川地震壬辰又震乙未又震黎州山崩戊申振恤浙西被水州縣寬其租稅秋七月戊辰詔邊縣擇才不拘常法止其三年之制

九月甲申詔兩浙江東監司嚴州縣被水最甚者蠲其租冬十月癸亥西川地震甲子又震丙寅金遣使來賀瑞慶節十一月庚寅遣陳伯震使金賀正旦癸卯以程彥暉攻圍鞏州迫及川界命利州副都統劉昌祖移駐西和州以備之十二月丁巳再給諸軍雪寒錢乙亥金遣使來賀明年正旦

本紀卷第三十九



字百五  
宋史卷之九十五  
侯陽

本紀卷第四十

宋史四十

開府儀同三司桂國鎮節度使兼修國史領經筵事都總裁脫等奉

勅修

寧宗四

十年春正月癸巳雨土乙未大風庚子遣錢撫賀金  
主生辰一月庚申地震夏四月丁未朔金人犯光州  
中渡鎮執推場官盛允升殺之遂分兵犯樊城戊申  
鄂州江陵府副都統王守中引兵拒之金人遂分兵  
圍棗陽光化軍丙辰詔江淮制置使李珣京湖制置  
使趙方措置調遣仍聽便宜行事丁巳命四川制置



使董居誼酌量緩急便宜行事辛酉廬州鈴轄王辛  
 敗金人于光山縣之安昌砦殺其統軍完顏掩士成  
 金兵遁去徐州光化皆以捷聞丁卯詔出戍官兵全  
 給其家五月辛巳以久雨釋大理三衙臨安府杖以  
 下囚蠲茶鹽賞錢甲申賜禮部進士吳潛以下五百  
 二十有三人及第出身癸卯趙方請下詔伐金遂傳  
 檄招諭中原官軍民六月庚戌太白晝見戊午詔  
 厲將士募京西忠義人進討辛未東川大水癸酉太  
 白經天秋七月丙子朔日有食之戊寅以旱釋諸路  
 杖以下囚甲申雅州蠻寇邊焚碉門砦遣兵討之丁

女嗣濮王不壽薨甲子詔諸軍將佐有罪者送屯駐  
 州鞠之罷軍士淫刑八月乙丑詔監司郡守各舉威  
 勇才略可將帥者二人冬十月乙巳朔以久雨釋大  
 理三衙臨安府及兩浙諸州杖以下囚癸酉蠲三衙  
 江上諸軍公私逋負錢十一月丁丑大風庚辰太白  
 晝見甲申詔浙東提舉司發米十萬石振給貧民戊  
 戌太白經天十二月戊申以軍興募民納粟補官乙  
 卯詔武舉人毋復應文舉癸亥金鳳翔副都統軍完  
 顏贊以步騎萬人犯四川戊辰迫湫池堡己巳破天  
 水軍守臣黃炎孫遁金人攻白環堡破之庚午迫黃



牛堡統制劉雄棄大散關遁金人據之

十一年春正月壬午京東路忠義李全率衆來歸詔以全為京東路總管戊子金人圍皂郊堡壬辰利州將麻仲率忠義人焚秦州永寧砦乙未以度僧牒千給四川軍費丁酉詔四川忠義人立功賞視官軍金人犯隲茅關與元都統李貴遁官軍大潰二月甲辰金人焚大散關而去乙巳沔州都統王大才馬蹶死于河池丙午金人破皂郊死者五萬人丁未金人破湫池堡戊申金人圍隨州棗陽軍游騎至漢上均州守臣應謙之棄城走丙辰白虹貫日楚州鈐轄梁昭

祖焚金人糧舟于大清河京東忠義副都統沈鐸遣兵助之三月丁丑金人焚湫池堡而去戊子利州統制王逸等率忠義人復皂郊金副統軍完顏贊包長壽遁去沔州軍郭雄追斬贊首長壽僅以身免己丑沔州都統劉昌祖至皂郊辛卯忠義人十萬餘出攻秦州官軍繼進至赤谷口王逸傳昌祖之命退師且放散忠義人軍大潰癸巳包長壽合長安鳳翔之衆復攻皂郊遂趨西和州是日鎮江忠義統制彭惟誠等敗于泗州丙申劉昌祖焚西和州遁守臣楊克家棄城去戊戌金人破西和州夏四月甲辰劉昌祖焚成



州道守臣羅仲甲棄城去是日金人去西和州戊申命四川增印錢引五百萬以給軍費階州守臣侯頤棄城去是日金人去成州戊午金人復犯大散關守將王立道已未金人犯黃牛堡興元都統吳政拒退之癸亥政至大散關執王立斬之五月乙亥命四川制置司招進忠義人癸未蚩尤旗見其長竟天丁亥詔侍從臺諫兩省官集議平戎禦戎和戎三策壬辰申嚴試法官七等之制六月辛酉詔湖州振恤被水貧民秋七月癸酉奪知天水軍黃炎孫三官辰州居住乙酉修孝宗寶訓辛卯蠲四川關外諸州稅役甲

午蠲光州民兵戰死之家稅役九月己卯朝獻子景靈宮庚辰朝享于太廟辛巳合祭天地于明堂大赦辛卯安定郡王伯澤薨丙申興元都統吳政利州副都統張威各進三官劉昌祖奪五官韶州安置冬十月丙午羅仲甲楊克家侯頤並奪三官仲甲常德府克家道州頤撫州居住戊午大風壬戌修盱眙軍城十一月壬申金人攻安豐軍之黃口灘是月陝西人張羽來歸

十二年春正月戊辰朔召董居誼詣行在以新利州路安撫使聶子述為四川制置使庚辰金人犯湫池



二百九十一  
堡守將石宣拒退之甲申金人攻白環堡守將董炳  
拒退之戊子金人犯成州沔州都統張威自西和州  
退守仙人原庚寅金人犯隨州棗陽軍又破信陽軍  
之二砦京西諸將引兵拒之辛卯金人犯西和州守  
將趙彥呐設伏以待之殲其衆乃還金人犯安豐軍  
建康都統許俊遣將却之金人焚成州犯河池守將  
張斌遁去癸巳金人圍安豐軍及光州攻光化軍破  
鄭山縣進逼均州甲午破鳳州守臣雷雲棄城去金  
人夷其城乙未興元都統吳政及金人戰于黃牛堡  
死之金人乘勝攻武休關二月戊戌朔金人破光

縣太白書見壬寅金人圍棗陽軍京湖制置使趙方  
遣統制扈再興救之不克進而還癸卯金人破武休  
關興元都統李貴遁還利州略提刑權興元府事趙  
希昔棄城去丁未金人破興元府戊申金人攻棗陽  
軍已酉遣殿前司軍八千人防捍江面庚戌以曾從  
龍同知樞密院事兼江淮宣撫使權吏部尚書任希  
夷簽書樞密院事辛亥金人破大安軍守臣李文子  
棄城去金人犯洋州守臣蔡晉卿遣兵拒之不克洋  
州破壬子四川制置使董居誼自利州遁沔州都統  
張威遣統制石宣等邀擊金人于太安軍大破之獲



其將巴士魯安金人遂去興元府丙辰金人去洋州  
 丁巳京湖制置使趙方遣統制扈再興等引兵三萬  
 餘人出攻唐鄧二州隨州忠義統領劉世興等引兵  
 攻唐州甲子金人去棗陽軍乙丑夏人復以書來四  
 川議夾攻金人利州路安撫丁焞許之三月己巳以  
 鄭昭先知樞密院事曾從龍參知政事癸酉金人復  
 入洋州焚其城而去乙亥興元軍士權興等作亂犯  
 巴州守臣秦季禎棄城去邛州統制劉世榮會兵攻  
 唐州丁亥太白首見權興等降癸巳兩土甲午金人  
 自盱眙退師閏月己未追至西雲三官梅州安置事四

贈吳政為右武大夫忠州刺史壬戌詔撫諭四川官  
 軍忠義人癸亥興元軍士張福莫簡等作亂以紅巾  
 為號是春金人圍安豐壽州濠光三州江淮制置使  
 李璣命池州都統武師道忠義軍統制陳孝忠救之  
 皆不克進金人遂分兵自光州犯黃州之麻城自濠  
 州犯和州之石碛自盱眙軍犯滁州之全椒來安及  
 揚州之天長真州之六合淮南流民渡江避亂諸城  
 悉閉金人游騎數百至東采石楊林渡建康大震京  
 東總管李全自楚州忠義總轄季先自鍾水軍各引  
 兵來援金人乃解去全追擊敗之于曹家庄獲其貴



將夏四月庚午張福入利州四川制置使聶子述道  
 殺總領財賦楊九鼎丁丑張福掠閬州丁亥掠果州  
 癸巳會後龍罷以鄭昭先兼參知政事崇信軍節度  
 使開府儀同三司萬壽觀使安丙為四川宣撫使董  
 居誼落職奪三官五月乙未朔召聶子述詣行在張  
 福薄遂寧府潼川府路轉運判官權府事程遇孫棄  
 城遁丁酉減兩淮創置湖北利州路沿邊諸州雜犯  
 死罪囚釋流以下仍蠲今年租稅己亥太學生何處  
 恬等伏闕上書以工部尚書胡榘欲和金人請誅之  
 以謝天下張福入遂寧府焚其城甲寅四川宣撫司

命沔州都統張威引兵捕福戊午福入普州守臣張  
 已之棄城遁癸亥詔侍從兩省臺諫各舉文武可用  
 之才二三人六月戊辰張福屯普州之茗山庚午張  
 威引兵至丙子太白晝見辛巳西川地震太白晝見  
 癸未張福請降乙酉張威執之歸于宣撫司丁亥嗣  
 濮王不嫖薨金國招諭李全等不聽辛卯太白經天  
 癸巳丁焞復以書約夏國攻金人秋七月丙申張福  
 伏誅復奪董居誼二官永州居住庚子張威捕賊眾  
 一千三百餘人誅之莫簡自殺紅巾賊悉平癸亥李  
 全引兵至齊州知州王楨以城降八月戊辰復合利



州東西路為一九月丙午罷江淮制置司置沿江淮  
東西制置司以寶文閣待制李大東為沿江制置使  
淮南轉運判官趙善湘為主管淮西制置司公事淮  
東提刑賈涉為主管淮東制置司公事兼節制京東  
河北路軍馬十一月辛亥進封楊次山為會稽郡王  
十二月壬申京東節制司言復京東河北二府九州  
四十縣乙亥築興元府城丁丑雅州蠻入廬山縣已  
卯四川宣撫司遣兵取洮州召諸將議出師招諭中  
原豪傑辛巳蠻焚碣門砦邊丁大敗乙酉金人犯鳳  
州之長橋丁亥四川宣撫司命罷洮州之師已丑定

湖制置司遣統制扈再興守引兵六萬人分三道出  
境庚寅賞茗山捕賊功

十三年春正月丁酉扈再興引兵攻鄧州鄂州都統  
許國攻唐州不克而還金人追之遂攻樊城趙方督  
諸將拒退之己亥雅州蠻復掠廬山縣遣兵討之己  
酉命不凌為嗣濮王戊午夏人復以書來四川議夾  
攻金人三月辛卯朔雨土丁巳黎州土丁叛遣兵討  
之夏四月庚申朔淮東制置賈涉招諭山東兩河豪  
傑五月庚寅朔雅州蠻降戊戌史彌遠等上玉牒及  
三祖下第七世宗藩慶系錄六月癸酉賜禮部進上



劉渭以下四百七十有五人及第出身加安丙少保  
丙子以李全為左武衛大將軍壬午以季先為果州  
團練使漣水軍忠義副都統命赴樞密院議事未至  
殺之秋七月戊戌以京東河北諸州守臣空名官告  
付京東河北節制司以待豪傑之來歸者丙午以任  
希夷兼參知政事丙辰四川宣撫司招黎人土丁降  
之八月癸亥皇太子詢薨謚曰景獻壬申安丙遺夏  
人書定議夾攻金人癸未四川宣撫司命利州統制  
王仕信引兵赴熙鞏州會夏人遂傳檄招諭陝西五  
路官吏軍民甲申復海州以將作監丞徐晞稷知州

事盱眙將石珪叛入漣水軍詔以珪為漣水忠義軍  
統轄九月辛卯夏人引兵圍鞏州且來趣師甲午太  
白晝見王仕信引兵發眉昌乙未四川宣撫司統制  
質俊李寔引兵發下城戊戌四川宣撫司命諸將分  
道進兵沔州都統張威出天水利州副都統程信出  
長道興元副都統陳立出大散關興元統制田胃為  
宣撫司帳前都統出于午谷金州副都統陳昱出上  
津巴亥張威下令所部諸將毋得擅進兵庚子質俊  
等克來遠鎮辛丑王仕信克鹽川鎮壬寅質俊等自  
來遠鎮進攻定邊城金人來救俊等擊破之乙巳程



信王仕信引兵與夏人會于鞏州城下丁未攻城不克庚戌金人犯皂郊堡沔州統制董炤等與戰大敗壬子程信及夏人攻鞏州不克信引兵趨秦州丙辰夏人自安遠若退師冬十月丁巳朔程信邀夏人共攻秦州夏人不從信遂自伏羌城引軍還諸將皆罷兵戊寅程信以四川宣撫司之命斬王仕信于西和州四川宣撫司以張威不進兵罷其軍職十一月庚戌大風壬子臨安府火十二月戊午大風壬申漣水忠義軍統轄石珪叛笑未鎮江副都統程朝宗以皇帝恭膺天命之寶來獻

十四年春正月丙戌朔以雪寒釋大理三衙臨安兩浙諸州杖以下囚乙未地震以李全還自山東賜緡錢六萬庚子立四川運米賞格二月戊辰金人圍光州己巳金人犯五關壬申金人治舟于團風弗克濟遂圍黃州分兵破諸縣又遣別將犯漢陽軍丁丑李全棄泗州遁還甲申詔淮東京湖諸路應援淮西沿江制置司防守江面權殿前司職事馮榘將兵駐鄂州京東忠義都統李全將兵救蘄黃榘不果行三月丙戌朔鄂州副都統扈再興引兵攻唐州丁亥金人破黃州淮西提刑知州事何大節棄城遁死庚寅長



星見李全自楚州引兵援淮西癸巳扈再興引所部趨蘄州甲午太白晝見乙未詔京湖制置司趣接蘄黃巳亥金人陷蘄州知州事李誠之及其家人官屬皆死之癸丑金人退師扈再興邀擊敗之于天長鎮甲寅晦又敗之夏四月乙卯復置諸王官大小學教授乙丑命任子簾試于御史臺戊辰金人渡淮而北李全遣兵追擊敗之五月甲申朔日有食之壬辰史彌遠等上孝宗寶訓皇帝會要丙申西川地震乙巳頒慶元寬恤詔令六月甲寅朔初置沿江制置副使司于鄂州丙寅詔以姪福州觀察使貴和為皇子弟

乙亥進封祁國公丁卯以立皇子告于天地宗廟社稷乙亥以太祖十世孫與善補兼義郎丙子減京畿囚罪一等釋杖以下辛巳大風秋七月辛丑以趙方為京湖制置大使賈涉為淮東制置使兼京東河北路節制使丁未修光宗寶訓八月乙卯賜史彌遠家廟任希夷罷壬戌以兵部尚書宣繒同知樞密院事給事中俞應符簽書樞密院事甲子以秉義郎與善為右監門衛大將軍賜名貴誠乙丑追封史浩為越王改謚忠定配享孝宗廟庭戊寅以姪右監門衛大將軍貴誠為果州團練使九月癸未立貴誠為沂靖



唐王後已丑朝獻于景靈宮庚寅朝饗于太廟辛卯  
合祭天地于明堂大赦冬十月癸丑京東河北節制  
司言復滄州詔以趙澤為河北東路鈐轄知州事甲  
寅復以齊州為濟南府兗州為襲慶府丙寅夏人復  
以書來四川趣會兵庚午雷十一月己亥安丙薨是  
月京東安撫張林叛十二月庚申鄭昭先罷閏月辛  
巳朔以宣繪兼參知政事俞應符兼權參知政事戊  
申以殿前司同正將世等謀為變殺之是歲浙東  
江西福建諸路旱沴成利四州水振之

十五年春正月庚戌朔大慶殿受恭膺天命

癸丑立李誠之廟于蘄州甲寅褒贈蘄州死事官吏  
錄其子孫有差丁巳詔撫諭山東河北軍民將帥官  
吏已未以受寶大赦文武官各進秩一級大犒諸軍  
二月庚子罷御史臺簾試任子法三月丁巳詔江西  
提舉司振恤旱傷州縣夏四月壬午詔蠲蘄州今年  
租賦五月庚戌太白晝見甲寅詔監司慮囚察州縣  
匿囚者劾之丁巳進封子祁國公竑為濟國公己未  
以姪果州團練使貴誠為邵州防禦使壬戌知濟南  
府种贇等攻張林于青州林遁去己巳修孝宗經武  
要略六月辛卯俞應符薨秋七月甲子詔江淮荆襄



四川制置監司條畫營田來上八月己卯命戶部詳議義後辛卯詔文武官毋得歸宗著為令甲午有彗星出于氏九月辛亥以宣繒參知政事給事中程卓同知樞密院事吏部尚書薛極賜出身簽書樞密院事癸丑雷大雨雹丁巳復以隨州三關隸德安府置關使壬戌彗星沒辛未太白晝見冬十月丙子以收復京東州軍犒賞忠義有差十一月戊午赦京東河北路十二月乙亥朔發米振給臨安府貧民丙子以雪寒釋京畿及兩浙諸州杖以下囚丁亥以李全為保寧軍節度使右金吾衛上將軍京東路鎮撫副使

十六年春正月戊申詔命官犯賊毋免約法己酉子坻生辛酉命淮東制置司振給山東流民二月戊子兩土已丑嗣秀王師禹薨追封和王戊戌子坻薨追封邳王謚冲美三月戊申張林所部邢德來歸詔進二官復以為京東東路副總管丁卯以道州民饑詔發米振之夏五月甲辰詔右選試注官如左選之制戊申賜禮部進士蔣重珍以下五百四十有九人及第出身戊辰詔復潭州稅酒法六月丁酉程卓薨秋八月辛巳詔州縣經界毋增紹興稅額癸未申嚴船船銅錢之禁九月庚子朔日有食之乙巳詔江淮諸

宋史四十一 梁賢寫



字三子九十一  
司振恤被水貧民乙卯雷冬十一月辛亥以太平州  
大水詔振恤之十二月辛巳命淮東西總領及沿江  
被水州募江西湖南民入米補官癸未嗣濮王不凌  
薨壬辰雷

十七年春正月戊戌朔詔補先聖裔孔元用為通直  
郎錄程頤後癸亥命淮東西湖北路轉運司提督營  
屯田二月癸巳蠲台州逋賦十萬餘緡甲午命臨安  
府振糶貧民三月癸丑雪是月金人迫西和州尋引  
兵還夏四月辛卯詔廬州振糶饑民乙未賜李全彭  
義斌錢三十萬緡為犒賞戰士費五月戊戌詔

兩淮京湖四川江上諸軍之數六月丁卯朔太白經  
天晝見癸酉知和州尚震午坐金兵至謀遁奪三官  
岳州居住壬辰大名府蘇椿等舉城來歸詔悉補官  
即以其州授之秋七月丁酉朔命福建路監司振恤  
被水貧民辛亥命師出嗣秀王八月乙亥罷通州天  
賜鹽場丙戌帝不豫閏八月乙未朔申嚴兩浙諸州  
輸苗過取之禁丁酉皇帝崩于福寧殿年五十七史  
彌遠傳遺詔立姪貴誠為皇子更名昀即皇帝位尊  
皇后為皇太后垂簾聽政進封皇子竑為濟陽郡王  
出居湖州寶慶元年正月己丑謚曰仁文哲武恭孝



皇帝廟號寧宗三月癸酉葬于會稽之永茂陵三年  
九月加謚法天備道純德茂功仁文哲武聖睿恭孝  
皇帝

替曰宋世內禪者四寧宗之禪獨當事勢之難能不  
失禮節焉斯可謂善處矣初年以舊學輔導之功召  
用宿儒引拔善類一時守文繼體之政燁然可觀中  
更侂胄用事內蓄群姦至指正人為邪正學為偽外  
挑強鄰流毒淮甸頻歲兵敗乃函侂胄之首行成于  
金國體虧矣既而彌遠擅權幸帝老荒竊弄威福至  
於皇儲國統乘機伺間亦得遂其廢立之私他可知  
也雖然宋東都至于仁宗四傳而享國百年邵雍稱  
為前代所無南渡至寧宗亦四傳而享國九十有八  
年是亦豈偶然哉惜乎神器授受之際寧理之視仁  
英其跡雖同其情相去遠矣

本紀卷第四十



本紀卷第四十一

宋史四十一

開府儀同三司權國錄國書前書右丞相兼修國史領經筵事都總裁脫等奉

勅修

理宗一

理宗建道備德大功復興烈文仁武聖明安孝皇帝  
諱昀太祖十世孫父希璫追封崇王家子紹興府山  
陰縣母全氏以開禧元年正月癸亥生于邑中虹橋  
里第前一夕榮王夢一紫衣金帽人來謁比寤夜漏  
未盡十刻室中五采爛然赤光屬天如日正中既誕  
三日家人聞戶外車馬聲亟出無所睹幼嘗晝寢人



忽見身隱隱如龍鱗是時寧宗弟沂靖惠王薨無嗣以宗室希瞿子賜名均為沂王後尋改賜名貴和嘉定十三年八月景獻太子薨寧宗以國本未立選太祖十世孫年十五以上者教育如高宗擇普安息平故事遂以十四年六月丙寅立貴和為皇子改賜名竑而以帝嗣沂王六月乙亥補秉義郎八月甲子授右監門衛大將軍賜名貴誠十五年五月丁巳以竑為檢校少保進封濟國公己未以帝為邵州防禦使帝性凝重寡言累脩好學每朝參待漏或多笑語帝獨儼然出入殿庭矩度有常見者歛容會濟國公竑

與丞相史彌遠有違言彌遠日謀媒葉其失於寧宗屬意於帝而未遂十七年八月丙戌寧宗違豫自是不視朝壬辰疾篤彌遠稱詔以貴誠為皇子改賜名昀授武泰軍節度使封成國公閏月丙申寧宗疾甚丁酉崩于福寧殿彌遠使楊谷楊石入白楊皇后稱遺旨以皇子竑開府儀同三司進封濟陽郡王判寧國府命子昀嗣皇帝位大赦尊楊皇后曰皇太后同聽政封竑為濟王賜第湖州以醴泉觀使就第癸亥詔宮中自服三年喪九月乙亥詔褒表老儒以傅伯成為顯謨閣學士楊簡寶謨閣直學士並提舉南京



鴻慶宮柴中行叙復元職授右文殿脩撰主管南京  
鴻慶宮戊寅詔元濟王妻衛國夫人吳氏封許國夫  
人已卯皇太后皇帝御便殿垂簾詔以先聖四十九  
代孫行可為迪功郎授判司簿尉以禮部侍郎程秘  
吏部侍郎朱著中書舍人真德秀兼侍讀工部侍郎  
葛洪起居郎喬行簡宗正少卿陳貴誼軍器監王墜  
兼侍講壬午葛洪權工部尚書升兼侍讀辛卯祀明  
堂大赦冬十月戊戌詔諸路提點刑獄以十一月按  
理囚徒己亥嗣秀王師出薨壬子詔百官奉按月給  
十一月甲子右正言麋溇請承順東朝繼志述事壹

以孝宗為法而新政之切者曰畏天悅親講學仁民  
上嘉納焉癸未以五月十六日為皇太后壽慶節丁  
亥詔改明年為寶慶元年戊子以葛洪為端明殿學  
士同簽書樞院事己丑詔以生日為天基節十二月  
甲午雪寒免京城官私房賃地門稅等錢自是祥慶  
災異寒暑皆免癸丑開經筵詔輔臣觀講詔太后所  
居殿號曰慈明辛酉請大行皇帝謚號于南郊謚曰  
仁文哲武恭孝皇帝廟號曰寧宗  
寶慶元年春正月壬戌朔詔舉賢良庚午湖州盜潘  
壬潘丙潘甫謀立濟王竑竑聞變匿水竇中盜得之

宋史四十一  
卷之四十一  
三  
慶正傳



四百 令二下  
擁至州治以黃袍加其身守臣謝周知率官屬入賀  
初壬等偽稱李全以精兵二十萬助討史彌遠擅廢  
立之罪比明視之皆太湖漁人及巡尉兵卒竑乃遣  
王元春告于朝而率州兵誅賊彌遠奏遣殿司將彭  
任討之至則盜平又遣其客秦天錫託宣醫治竑疾  
諭旨逼竑死尋詔貶為巴陵郡公辛未詔保寧軍節  
度使師彌為檢校少保詔以皇太后弟奉國軍節度  
使楊谷保寧節度楊石並開府儀同三司丙戌濟王  
竑訃聞特輟視朝己丑上寧宗謚冊寶二月甲午詔  
故太師武勝定國軍節度使鄂王岳飛謚忠武丙申

詔師彌檢校少師嗣方王長楚州火戊午發廩振  
在京細民給犒馬步軍皇城司守衛軍有差三月癸  
酉葬寧宗于會稽永茂陵夏四月辛卯朔寧宗祔廟  
壬辰詔皇兄竑贈少師保靜鎮潼軍節度使直舍人  
院王暨等繳奏命遂寢丁酉皇太后手書多病自今  
免垂簾聽政壬寅帝兩請皇太后垂簾不允辛亥發  
廩振在京細民五月甲子詔内外文武大小之臣於  
國政有所見聞封章來上毋或有隱丙寅詔不熄為  
保康軍承宣使嗣濮王六月辛卯太白晝見丁未詔  
史彌遠為太師依前右丞相兼樞密使進封魏國公



彌遠辭免太師秋七月丁丑滁州大水詔振恤之乙酉詔行大宋元寶錢八月壬寅以司農丞姚子才封事切直詔進一秩授祕書郎癸卯詔知袁州趙鉸夫直秘閣福建提點刑獄以旌廉吏丙午詔侍從給諫卿監郎官并在外前執政侍從帥臣監司各舉廉吏三人戊申詔侍從兩省臺諫三衙知閣御帶環衛官在外前執政侍從帥臣監司都副都統制及屯戍主將其各舉堪充將帥三人己酉地震壬子張九成贈太師追封崇國公謚文忠甲寅以程頤四世孫源為籍田令乙卯莫澤言真德秀舛論綱常簡節上語曲

為濟王地詔德秀煥章閣待制提舉玉隆萬壽宮丁巳詔戒貪吏九月丙寅著作佐郎陶崇上保業慎獨謹微持久四事帝嘉納之冬十一月癸巳有流星大如太白甲寅詔會稽權官所在稅賦盡免折科山陰縣權免三年十一月癸亥宣繒兼同知樞密院事薛極參知政事葛洪簽書樞密院事詔邵州潛藩可升為寶慶府筠州與御名音相近改為瑞州壬午雪寒在京諸軍給緡錢有差出戍之家倍之自是祥慶災異霽雨雪寒咸給甲申朱端常言魏了翁封章謗訕真德秀奏劄誣詆詔魏了翁落職奪三秩靖州居住



真德秀落職罷祠十二月甲辰詔刪脩敕令是歲兩浙路戶一百九十七萬五千九百九十六口二百八十二萬二千三十二福建路戶一百七十萬四千一百八十六口三百五十五萬三千七十九

二年春正月癸亥詔贈沈煥陸九齡官煥謚端憲九齡謚文達錄張九成呂祖謙張栻陸九淵子孫官各有差癸酉召布衣李心傳赴闕戊寅災惑入凶壬午太白歲星填星合于女二月辛卯監察御史梁成大言真德秀有大惡五僮褫職罷祠罰輕詔削二秩三月癸酉以久雨詔大理寺三衙兩浙運司臨安府諸

屬縣榷酒所凡贓賞等錢罪已決者一切勿徵毋錮留妻子自是霖潦寒暑皆免戊寅詔太常寺建功臣閣以昭勲崇德為名己卯蘄州火夏四月己丑詔輔臣奉薄其以隆興格為制辛亥有流星大如太白六月丙申御後殿賜進士王會龍以下九百八十九人及第出身有差壬寅詔以孔子五十二代孫萬春襲封衍聖公秋七月戊辰雷電雨晝晦大風遂安休寧兩縣界山裂洪水壞公宇民居田疇八月乙巳濟王竑追降巴陵縣公辛亥衛涇薨九月庚申雷冬十月甲申詔寧宗御集閣以寶章為名仍置學士待制真



辛丑又雷辛亥癸感歲星填星合于文熒惑犯填星  
改湖州為安吉州十一月甲寅脩祚德廟以嚴程嬰  
公孫杵臼之祀丙辰始御紫宸殿辛酉熒惑犯歲星  
丙子日南至上詣慈明殿十二月癸卯親享太廟  
三年春正月辛亥朔上壽明皇太后尊號冊寶于慈  
明殿壬子史彌遠進二秩辛酉以楊谷楊石並為少  
傅知楚州姚弼朝辭奏淮楚忠義軍事上曰南北皆  
吾赤子何分彼此卿其為朕撫定之己巳詔朕觀朱  
熹集註大學論語孟子中庸發揮聖賢蘊奧有補治  
道朕勵志講學緬懷典刑可特贈熹太師追封信國

公三月庚戌朔詔郡縣長吏勸農桑抑未作戒苛擾  
工部侍郎朱在進對奏人主學問之要上曰先卿中  
庸序言之甚詳朕讀之不釋手恨不與同時辛亥以  
皇太后尊號冊寶禮成姪孫揚鳳孫以下推恩有差  
夏四月戊戌宣引前丞相謝深甫孫女謝氏詣慈明  
殿進見五月壬子詔岳珂戶部侍郎依前淮東總領  
兼制置使閏月己卯朔詔郡縣繫囚于實書曆未經  
結錄守臣輒行特判憲司其詳覆兩部獄案歲月淹  
延者重寘于憲六月戊申朔日有食之秋七月乙酉  
太陰犯心丁酉詔振贍被水郡縣其竹木等稅勿徵



丙午史彌遠乞歸田里詔不允八月庚戌詔謝氏特封通義郡夫人癸亥詔凡試邑兩經罷黜更勿授知縣縣令甲戌太白熒惑合于翼丙子城太平州詔知州蔡奎進中奉大夫餘推恩有差九月癸未故觀文殿大學士魏國公贈太師留正謚忠宣丙午追上寧宗徽號曰法天備道純德茂功仁文哲武聖睿恭孝皇帝冬十月甲子右監門衛大將軍與奕改賜名首謙授宜州觀察使繼沂王後右千牛衛將軍孟昶改賜名乃裕授和州防禦使繼景獻太子後甲戌趙范江東提刑兼知池州節制防江水步軍池州都統司

軍馬十一月戊寅奉上一尊宗徽號冊寶于太廟辛巳日南至郊大赦改明年為紹定元年十二月己酉日旁有氣如珥壬申發虜振膽京城細民大元兵破關外諸隘四川制置鄭損棄三關

紹定元年春正月丙子朔上壽明慈睿皇太后尊號冊寶于慈明殿揚谷揚石並升少師六月壬寅朔日有食之己酉流星晝隕秋七月戊戌熒惑犯南斗冬十月戊申熒惑犯壁壘陣星丁巳熒惑填星合于危甲子熒惑犯填星十一月癸酉熒惑入羽林庚辰雷丁酉詔申嚴皇城司給符之制照闌入法十二月辛



三百八十一  
亥以薛極知樞密院事兼參知政事葛洪參知政事  
袁韶同知樞密院事鄭清之端明殿學士簽書樞密  
院事

二年春正月庚辰大理司直張衍上檢驗推鞠四事  
詔刑獄人命所關其令有司究行之丁亥熒惑歲星  
合于婁二月庚戌詔歲舉廉吏或犯姦贓保任同坐  
監司守臣其中嚴覺察三月辛卯詔郡縣繫囚多瘦  
死獄中憲司其具獄官姓名以聞黜罷之夏四月庚  
申詔郡縣官闕毋令藝術人豪民罷吏借補權攝五  
月詔成都潼川路歲旱民歉制司監司其亟振恤仍

察郡縣奉令勤惰以聞辛巳賜進士黃朴以下五百  
五十七人及第出身有差詔戶絕者許立嗣毋妄籍  
沒六月丁巳詔通我郡夫人謝氏進封美人九月丁  
卯台州大水壬辰有流星大如太白冬十月壬戌詔  
台州水災除民田租及茶鹽酒酤諸雜稅郡縣抑納  
者監司察之十一月己丑熒惑入氏

三年春正月甲申詔故皇子緝贈保信奉國軍節度  
使開府儀同三司追封永王謚冲安壬辰知棗陽軍  
史嵩之初置屯田以勞賞官兩轉二月丙申日有背  
氣戊戌詔汀贛吉建昌蠻獠竊發經擾郡縣復賦稅



一年庚戌詔趙范起復依前知鎮江府節制防江水步并本州在峇軍馬趙葵起復依前知滁州節制本州屯戍軍馬壬子詔故皇子繹賜忠正保寧軍節度使開府儀同三司追封昭王謚冲純閏月癸酉逝卒穆椿夜竊入皇城燒毀甲仗衛士捕得之詔磔于市乙酉太白歲星合于畢三月丁酉雨土戊申奉國軍節度使不怵薨贈少傅追封樂平郡王夏四月己卯漳州連城盜起知龍巖縣莊夢詵尉鍾自強不能效死守土詔各削二秩罷五月甲寅檢校少保李全授彰化保康軍節度使開府儀同三司京東鎮撫使依舊

舊京東忠義諸軍都統制戊午李全左右金吾衛上將軍職任仍舊六月乙酉歲星入井秋七月丁酉汀州寧化縣曾氏寡婦晏給甬于糧禦漳寇有功又全活鄉民數萬人詔封恭人賜冠帔官其子承信即九月辛丑祀明堂大赦丙午美人謝氏進封貴妃冬十月己巳熒惑填星合于室十一月丁酉有星孛于天市垣丁未流星晝隕十二月庚申詔錄用孔子四十九代孫燦補官李全叛壬戌淮東官兵王青力戰死之贈右武大夫蘄州防禦使甲子詔送賊李全反形日著今乃肆為不道已敕江淮制臣率兵進討有能擒



二百九十六  
斬全以降者加以不次之賞乙丑詔免明年元會禮  
以鄭清之參知政事兼簽書樞密院事喬行簡端明  
殿學士同簽書樞密院事詔史彌遠敷奏精敏氣體  
向安朕未欲勞以朝謁可十日一赴都堂治事丁卯  
冊命貴妃謝氏為皇太后己卯慈明殿出緡錢百五十  
萬犒諸軍振贍在京細民癸未上壽明仁福慈睿皇  
太后尊號冊寶

四年春正月戊子皇太后年七十有五上詣慈明殿  
行慶壽禮大赦史彌遠以下進秩有差賜李心傳同  
進士出身壬寅趙范趙葵等誅李全於新塘詔各進

兩秩餘推恩有差二月戊午朔詔雄邊軍統制總轄  
范勝谷汝礪等誅逆著勞各官五轉將士立功者趙  
具等第姓名來上丙子詔起復孟珙從義即京西路  
分棗陽軍駐劄夏四月戊辰趙范趙葵並進中大夫  
右文殿脩撰賜紫章服金帶丁丑以鄭清之兼同知  
樞密院事喬行簡簽書樞密院事趙善湘兵部尚書  
江淮制置大使知建康府依舊安撫使趙范權兵部  
侍郎淮東安撫副使知揚州兼江淮制置司參謀官趙  
葵換福州觀察使右驍騎衛大將軍淮東提刑知滁  
州兼大使司參議官五月丙午宗室司正檢校少傅



四百令九人  
安德軍節度使天水郡公加食邑五百戶貴謙承宣  
使乃裕觀察使六月己未詔魏了翁真德秀元燾元燾  
並叙復元官職祠祿七月己丑日生承氣丁酉賈涉  
女侍後宮詔封文安郡夫人庚戌葛洪資政殿學士  
知紹興府有流星大如太白八月己未大元兵破武  
休入興元攻仙人關辛酉洪咨夔叙復元官祠祿辛  
未文安郡夫人賈氏封才人九月丙戌夜臨安火延  
及太廟統制徐儀統領馬振遠坐救焚不力貶削有  
差上素服眡朝減膳徹樂庚子建昌軍火甲辰流星  
晝墮冬十月戊午太常少卿度正國史院編脩官李

心傳各疏言宗廟之制未合於古茲緣災異宜舉行  
之詔兩省侍從臺諫集議以聞甲子以余天錫為戶  
部侍郎兼知臨安府浙西安撫使癸酉大元兵破蜀  
口諸郡御前中軍統制張宣戰青野原有功詔授沔  
州都統戊寅以李真為煥章閣直學士四川制置使  
知成都府趙彥呐直龍圖閣四川安撫制置副使知  
興元府利路安撫使安癸仲戶部郎中總領四川財  
賦十一月乙酉詔忠義總管田遂力戰而歿贈武節  
大夫忠州刺史加封立廟十二月乙亥以史嵩之為  
大理少卿兼京湖制置副使



五年春正月己丑以孟珙為京西路兵馬鈐轄襄陽  
 軍駐劄庚寅詔李全之叛淮東提刑司檢法吳澄等  
 出泰州城謁賊各追官勸停其不出見賊者高愛月  
 劉賓雲循升二資罵賊而死者海陵簿口至嘉特贈朝  
 奉郎官其一子將往即壬辰史嵩之進大理卿權刑  
 部侍郎京湖安撫制置使知襄陽府壬寅新作太廟  
 成二月癸丑帝謁太廟三月乙酉詔京城內外免征  
 商三月丁酉日生抱氣承氣夏四月癸亥以寶章閣  
 直學士桂如淵頃帥蜀日北兵攻城不能合謀死守  
 而道致軍民罹殃反以捷聞詔禡職罷祠丁卯起

了翁以集英殿脩撰知  
 為災延及太室罪在朕躬而二三執政引咎去職今  
 宗廟崇成神御安安薛極鄭清之喬行簡並復元官  
 辛卯臣僚言積陰霖虐歷夏徂秋疑必有致咎之徵  
 比聞蘄州進士馮杰本儒家都大坑冶司抑為鑪戶  
 誅求日增杰妻以憂死其女繼之弟大聲因赴愬死  
 于道路杰知不免毒其二子一妾舉人自經而死民  
 冤至此豈不上干陰陽之和詔都大坑冶魏峴罷職  
 癸巳太白經天晝見戊戌詔今後齊民有罪監司守  
 臣毋輒籍沒其家必具聞俟令六月乙丑熒惑填星



合于婁熒惑順行犯填星丙子詔諸獄官不理他務  
 秋七月甲申詔近歲比兵再入利閭迫近順慶承奉  
 郎胡元琰攝部事能收散卒定居民諭叛將以全闔  
 郡以功特轉官三資太白入井丙戌監楚州大軍倉  
 富起宗軍變死難詔贈宣教郎官一子文林郎張煥  
 同時被創害及其家詔轉官一資丁酉以吳潛為大  
 府少卿總領淮西財賦陳貴誼端明殿學士同簽書  
 樞密院事八月乙卯起真德秀為徽猷閣待制知泉  
 州丁巳泗州路分劉虎副都統董琳焚斫盱泗橋遏  
 金兵已未魏了翁以寶章閣待制潼川安撫使知廬

州乙丑賜進士徐元杰等四百九十三人及第出身  
 有差壬申太白歲星合于張甲戌新作玉牒殿奉安  
 累朝玉牒九月乙巳雨雹雷閏月己酉有流星大如  
 太白庚戌彗星出于角戌辰史彌遠乞歸田里詔不  
 允冬十月戊子以星變大赦金將以盱眙軍來降赦  
 盱眙改為招信軍十一月己巳喬行簡累疏乞歸田  
 詔不允十二月丙子朔進封才人賈氏為貴妃辛巳  
 皇太后不豫壬午大赦皇太后崩癸卯群臣凡七表  
 請聽政從之詔外朝大典不敢輕改宮中自服三年  
 喪時宋與大元兵合圍汴京金主奔歸德府尋奔蔡

宋史四十一



州大元再遣使議攻金史嵩之以鄒伸之報謝  
 六年春正月己酉以少傅保寧軍節度使嗣秀王師彌判  
 大宗正事趙善湘光祿大夫江淮制置大使兼知建  
 康府行宮留守加食邑四百戶戊辰史彌遠加食邑  
 千戶二月丁丑上太行皇太后謚曰恭聖仁烈皇后  
 以趙范為工部侍郎兼中書門下省檢正六事趙葵  
 祕書監兼侍講余天錫禮部侍郎兼侍讀癸卯熒惑  
 犯東井三月丙辰大雨雹夏四月壬寅葬恭聖仁烈  
 皇后于永茂陵五月丙辰太白熒惑合于柳鄧州  
 刺以城來降六月丁酉史嵩之刑部侍郎兼京湖

撫制置使兼知襄陽府秋七月敗武仙于浙江八月  
 拔唐州九月壬寅朔日有食之辛亥祀明堂大赦辛  
 酉經筵官請以御製敬天法祖事親齊家四十八條  
 及緝熙殿榜諭宣付史館冬十月江海領襄軍從大  
 元兵合圍金主於蔡州甲申史宅之太府少卿史宇  
 之將作少監並賜同進士出身丙戌史彌遠進太師  
 左丞相兼樞密使魯國公加食邑一千戶鄭清之光  
 祿大夫右丞相兼樞密使加食邑一千戶丁亥史彌  
 遠保寧昭信軍節度使充醴泉觀使進封會稽郡王  
 仍奉朝請加食邑封以薛極為樞密使喬行簡參知

宋史 卷之四十二 王富



政事兼同知樞密院事陳貴誼參知政事兼簽書樞  
密院事詔史彌遠有定策大功勤勞王室今以疾解  
政宜加優禮長子宅之權戶部侍郎兼崇政殿說書  
次子宇之直華文閣樞密院副都承旨長孫同鄉直  
寶童閣次孫紹卿良卿會卿晉卿並承事郎女夫趙  
汝祺軍器少監孫文夫趙崇樺官一轉已丑詔崔與  
之李皇鄭性之赴闕庚寅以顯謨閣待制知福州真  
德秀兼福建安撫使乙未史彌遠薨贈中書令追封  
衛王謚忠獻詔戒貪吏十一月乙巳給事中莫澤等  
言差提舉千秋鴻禧觀梁成大暴狠貪婪苟賤無耻

詔奪成大祠祿丙午詔改明年為端平元年己未以  
魏了翁為華文閣待制知瀘州潼川安撫使賜金帶  
癸亥進趙葵兵部侍郎淮東制置使兼知揚州甲子  
臺臣劾刑部尚書莫澤貪淫恃害罷之丙寅權工部  
尚書趙范言宣和海土之盟厥初甚堅迄以取禍其  
事不可不鑑帝嘉納之丁卯詔趙葵任責防禦戍長  
禮部郎中洪咨夔進對今日急務進君子退小人如  
真德秀魏了翁當聚之于朝帝是其言命咨夔洎王  
遂同為監察御史己巳趙葵入見帝問以金事對曰  
今國家兵力未贍姑從和議俟根本既壯雪二帝之



字三百九十五十一  
耻以復中原十二月戊寅史宅之繳納賜第詔給賜  
本家仍奉家廟庚辰以薛極為觀文殿大學士知紹  
興府兼浙東安撫使甲申吳潛太府卿仍淮西總領  
財賦暫兼沿江制置知建康府戊申洪咨夔言資政  
殿學士提舉洞霄宮袁詔仇視善類諂附彌遠險悞  
傾危詔袁詔奪職罷祠祿壬辰臺臣言趙善湘陳賅  
鄭損納賂彌遠怙勢肆姦失江淮荆襄蜀漢人心罪  
狀顯著詔趙善湘有討李全功特寢免陳賅與祠鄭  
損落職與祠

端平元年春正月庚子朔詔求直言侍從御監即言

在外執政從官舉堪為監司守令者三人三衛統  
帥知閣御帶環衛官在外總管軍帥舉堪為將帥者  
各二人鍾震陳公益李性傳張處並兼侍讀徐清叟  
黃朴李大同葉味道並兼崇政殿說書辛丑趙范依  
前沿江制置副使權移司知黃州史嵩之權京湖安  
撫制置使兼知襄陽府陳韓華文閣待制仍知隆興  
府江西安撫使詔德安三關使彭哲去年十月北兵  
至棄關遁削二秩勒停乙巳賜故少傅權參知政事  
任希夷謚宣憲丙午詔趙范兼淮西制置副使任責  
防禦太白熒惑合在斗戊申金主完顏守緒傳位于



宗室承麟已酉城破守緒自經死承麟為亂兵所殺  
 執其參知政事張天綱丙寅詔太師中書令榮王已  
 進王爵宜封三代曾祖子奭贈太師吳國公祖伯旣  
 贈太師益國公父師意贈太師越國公戊辰以樞密  
 院言詔京西忠順統制江海棗陽同統制郭勝向因  
 所部兵行劫坐不發覺除名廣州拘管遇赦還軍前  
 自効有功並叙復元受軍職史嵩之露布告金七謹  
 遣郭春按循故壤詣奉步縣汛掃祖宗諸陵還師屯  
 信陽命王旻守隨州王安國守棗陽蔣成守光化楊  
 恢守均並益兵飭備經理

鄧屯田二月辛未監察

御史洪咨夔言上親政之始片逐李知孝梁成大其  
 諂事權姦黨私罔上倡淫黷貨罪大罰輕詔李知孝  
 削一秩罷祠梁成大削兩秩壬申以趙彥呐為四川  
 安撫制置使兼知興元府丁亥詔端平元年正月以  
 前諸命官貶竄物故者許令歸葬三月己酉以賈涉  
 子似道為籍田令辛酉詔遣太常寺主簿朱楊祖閣  
 門祗候林拓詣洛陽省謁八陵四月辛未詔遣朱復  
 之詣八陵相度脩奉丁丑詔比年宗親貧窶或致失  
 所甚非國家睦族之意大宗正司南外西外宗正司  
 其申嚴州郡以時贍給違者有刑監察御史王遂言



史嵩之本不知兵矜功自侈謀身詭秘欺君誤國留  
之襄陽一日則有一日之憂不報戊寅歲星守太微  
垣上相星壬午監察御史洪咨夔言今殘金雖滅隣  
國方彊益嚴守備尤恐不逮豈可動色相賀渙然解  
體以重方來之憂上嘉納甲申日生赤暈丙戌以滅  
金獲其主完顏守緒遺骨告太廟其玉寶法物并俘  
囚張天綱完顏好汝等命有司審實以聞庚寅詔授  
孟珙帶御器械京襄部押官屬陳一薦江海官兩轉  
餘論功行賞金降人夾谷奴婢改姓同名鼎王聞顯  
乎延實來伯友石天瑞白華各授官有差丁酉臣寮

言江淮荆襄諸路都大提點坑冶吳淵恃才貪虐籍  
人家資以數百萬計掩為已有其弟潛違道干譽任  
用非類詔吳淵落右文殿脩撰吳潛落祕閣脩撰並  
放罷五月庚子薛極卒贈少師戊申太平州螟已酉  
太陰入氏乙卯詔李知孝瑞州居住梁成大潮州居  
住莫澤南康軍居住並再降授官尋盡追爵秩詔魏  
了翁赴闕丙辰以趙范為兩淮制置使節制軍馬兼  
沿江制置副使壬戌以崔與之為端明殿學士提舉  
西京嵩山崇福宮陳謙權工部尚書知隆興府江西  
安撫使丙寅詔黃幹李燔李道傳陳宓樓昉徐宣胡



夢昱皆阨於權姦而各行其志沒齒無怨其賜謚復官優贈存恤仍各錄用其子以旌忠義戴堃其復元資以勵士風建陽縣盜發衆數千人焚劫邵武麻沙長平六月戊辰朔鄭清之等進奏選德殿柱有金書六字曰毋不敬思無邪上曰此坐右銘也庚午熒惑填星合于胃壬申詔蠲漳泉興化三州丁米錢丙子以李鳴復為侍御史兼侍講戊寅以喬行簡知樞密院事曾從龍參知政事鄭性之簽書樞密院事陳貴誼兼同知樞密院事己卯詔故巴陵縣公竑可盡復本身官爵有司其檢視墓域以時致祭妻吳昨自

為尼特賜慧淨法空大師紹興府月給衣資緡錢詔殿司選精銳千人命統制婁拱統領楊辛討捕建陽縣盜卒己詔故端明殿學士開府儀同三司史彌遠贈資政殿大學士謚忠宣熒惑犯填星丙戌有流星大如太白戊子日暈不匿生格氣癸巳史嵩之進兵部尚書禁毀銅錢作器用并貿易下海秋七月乙巳詔嘉興縣王臨年百二歲補迪功郎致仕八月癸酉詔河南新復郡縣久廢播種民甚艱食江淮制司其發米麥百萬石往濟歸附軍民仍榜諭開封應天河南三京甲戌朱楊祖林拓朝謁八陵回以圖進上問



諸陵相去幾何及陵前澗水新復揚祖悉以對上忍涕太息乙亥趙范為京河關陝宣撫使知開封府東京留守趙葵京河制置使知應天府南京留守全子才關陝制置使知河南府西京留守甲午權邵武軍王埜以平建陽寇有功官兩轉餘推賞有差九月庚子趙范依舊京西湖北安撫制置大使知襄陽府辛丑癸亥入并壬寅趙范言趙葵全子才輕遣偏師復西京趙楷劉子澄參贊失計師退無律致後陣敗覆詔趙葵削一秩措置河南京東營田邊備全子才削一秩措置唐鄧息營田邊備劉子澄趙楷並削三秩放

罷又言楊義一軍之敗皆由徐敏子范用吉急於赴援致不能支詔范用吉降武翼郎徐敏子削三秩放罷楊義削四秩勒停旨致已酉真德秀言權臣罔上講筵官亦傳會其... 其弊有當慮者五事并及泉

渾寇盜鹽法

納之詔進士何寔編類未熹

解注文字方

又學冬十月己卯真德秀

進大學衍義辛卯陳真誼薨贈少保十一月壬子京

湖制司朔鎮北軍詔以襄... 駐劄御前忠衛軍為

名壬戌太白經天十一月己卯元... 王楫來戊子

王楫... 于後殿... 遣... 之... 喬仕安劉溥



二百十三个  
報謝  
三二秩

本紀卷第四十一





